



2010





Jeugtrio 2010:

Prins Pim I Leijssen

Adjutant Lindy van Es

Adjutant Silvy Glissenaar

Vors: Savannah van Heel

Veurzitter: Marc Houwen



15 jannewari:

Dezen daag meuste we alles geheim halde op schoeël en boète en det waas gelök.

's Aoves wis nemus det weej 't trio ware en we lepe nao ónder en woele gelièk beginne met feeste! En toen waas de tièd aangebraoke veur 't oètrope, ze loze de breekkes veur, we vónde 't allemaol kei spannend!

Toen we ware oètgerope ginge we gelièk keihard feeste de gansen aovend door.

Toen de zaal laeg waas ginge we netuurlik ouk nog in 't kefee doorfeeste.

16 jannewari:

Dezen daag begós met de jeugmiddaag as allerièrs 't veurwaord van ózze spraekstalmeister.

Dao nao kóste weej gelièk vastelaovend viere met de kinder, nao det kwaam clown Japie ouk nog veur vermaak zörge en toen waas d'r eine wedstrièd tösse de jónges en maedjes en dao nao gelièk weer feeste met de kinder! En toen kwaam Japie truuk en neumde de winnaer de jónges en de maedjes!

Toen de jeugmiddaag waas aafgeloupe ginge we nao baove friet aete!

Toen idderein waas oètgegaete ginge we weer nao ónder nao de resepsie.

De resepsie begós met de familie en vrinde die kwame fillicitere. Dao nao gelièk de kemissies en vereiniginge.

En toen de resepsie aafgeloupe waas gelièk nao de kefee en feeste maar!

24 jannewari

As allerièrste meuste weej in de kerk luustere nao pestoeër Spee.

Toen meus ik nog wat veurlaeze in de kerk en daonao ginge we nao de optoch in de wage zitte en snoep goeëje. Toen d'n optoch aafgeloupe waas waar ik miene scepter vergaete in de kerk! Toen ik dae gehaold had, ginge we aete beej de Maagdenberg en nao de resepsie van Prins Maan I en zien adjudante Nick en Joep.

Toen ózze Raod van Elf al weg waas meuste weej nog ff cadeaus oètdeile aan vrinde van 't trio en de vereiniginge.

Zaoterdaag

Zaoterdaag meuste we waal nao ein paar resepsies en 't waas netuurlik eine kei leuke daag met vuuël lol en vuuël plezeer!

Zóndaag

Zóndaag ginge we met de bus 't alde trio en ziene Raod van Elf.

En mien klein gezelschap is ouk mei gewaes.

We zien ouk weer nao 3 resepsies gewaes van de Vaegers, de Wortelepin en de Päärtjes.
En um neet te vergaete zien we ouk nog beej Nick zien vader en moeder gewaes en die ware kei bliej um ós te zeen!

Zóndaag

Zóndaag ware we nao de resepsies van de Moeraskwakers gewaes en nao de resepsie van Jocus Toekóms, jaomer genóg waas dit de letste resepsie.

Dinsdaag 16 fibberwari

's Morges ièrs lekker brunche

En toen 's aoves waas 't vlagstrièke.

Ièrs nog in 't kefee ff hosse en springe.

En toen meuste we 'm umlieëg haole en Lindy en ik hebbe nog flink gebäök.

Nao 't sloète van de Maagdenberg zien we gezellig beej Maan nog wat gaon drinke tot 4 oor maar.

Prins Pim I